



АҚПАРАТТЫҚ ХАБАР

2019 жылғы 30 қаңтар

Данияр Ақышев Қазақстан Ұлттық Банкінің Мемлекет басшысының тапсырмалары бойынша жүргізіп отырған жұмысы туралы айтып берді

Қазақстан Ұлттық Банкінің Төрағасы Данияр Ақышев Үкіметтің кеңейтілген отырысы барысында Мемлекет басшысына Қазақстан Ұлттық Банкінің Мемлекет басшысы берген тапсырмалары бойынша жүргізіп отырған жұмысы туралы хабарлады.

Бірінші - банк секторын қалыпқа келтіру бойынша жұмысты жалғастыру. «Халықбанк пен Казкоммерцбанктің бірігуі қаржы секторындағы маңызды оқиға болды. Енді Халықбанк елдің банк секторының 34% активтеріне ие. Бұл қалыпты жағдай. Қазақстанға да ішкі нарықта, сол сияқты сыртқы нарықта шетелдік ойыншылармен бәсекеге қабілетті ірі қаржы институты қажет», - деді ол.

Д. Ақышев атап өткендей, өткен жылы тәуекелі жоғары саясатты жүргізген және байланысты кредиттеудің едәуір үлесі бар үш банк лицензиясынан айырылды. Бұл банктерді жабу процестері аяқталуда. Депозиттерге кепілдік беру жүйесінен төлемдер төлеу басталды. Бұл заңда белгіленген мерзімде, төрешілдіксіз және азаматтар үшін барынша тез әрі ыңғайлы жүзеге асырылуда.

Қазақстан Ұлттық Банкінің басшысы сондай-ақ өткен жылы заңнамалық база өзгертілгенін, ол Ол Ұлттық Банкке уәжді пайымдау негізінде тәуекелге бағдарланған қадағалауды жүргізуге мүмкіндік беретінін атап өтті. Енді процестің негізі барлық процестерге тұрақты қашықтан қадағалау болады, оған бизнес-модельді, корпоративтік басқаруды, тәуекелдерді басқару жүйесін, капиталды, өтімділік пен қорландыруды бағалау кіреді. Бұл процестер тәуекел дәрежесіне қарай кешенді тексерумен толықтырылады.

Екінші - «7-20-25» ипотекалық тұрғын үйді кредиттеу бағдарламасын іске қосу. Қазақстан Ұлттық Банкі өткен жылдың ортасында Бағдарлама талаптарын бекітті, ипотекалық нарықтың дамуына кедергі келтіріп отырған заңнамалық олқылықтар жойылды, оператор – «Баспана» ұйымы құрылды.

Д. Ақышев «7-20-25» бағдарламасын іске асыру 2018 жылғы шілдеде басталғанын еске салды. Бағдарламаны 8 ірі банк іске асыруда, олар елдің бүкіл өңірін қамтиды және 128 филиалы бар. «Бағдарлама табысты дамуда және басында жоғары серпінді көрсетіп отыр. Біз бес жылдық мерзімге айқындалған өлшемдерге сәйкес келдік. Сонымен бірге алдағы жылда өңірлер бағдарламаның талаптарына сай келетін тұрғын үй ұсынысын көп есе ұлғайтатынын көріп отырмыз», - деп хабарлады Қазақстан Ұлттық Банкінің басшысы.

Ол Қазақстан Ұлттық Банкінің бағдарламаның іргелі негізгі талаптарын сақтауды маңызды деп есептейтінін атап өтті – бұл 7% мөлшерлеме, 20% бастапқы жарна және 25 жыл ең көп мерзім, себебі бағдарлама ұзақ жылдарға есептелген, адамдар өз өмірі мен шығыстарын осы өлшемдерді ескере отырып жоспарлайды. Ұзақ уақыт аралығында олардың өзгермеуін қамтамасыз ету маңызды.

Үшінші - кредиттеуді кеңейту туралы. Д. Ақышев Мемлекет басшысының Жолдауы шеңберінде экономиканың басым секторларын кредиттеу үшін 600 млрд теңге беру тетігі

іске қосылғанын еске салды. Жобаларды қаржыландыру тетіктері айқындалып, алғашқы банк кредиттеу үшін қаражатты игере бастады.

Қазақстан Ұлттық Банкінің басшысы 600 млрд теңге бағдарламаны және Ұлттық Банктің ақша-кредит саясатының тиімділігін арттыруды қоспағанда, нақты секторды қалыпқа келтіру бойынша жүйелі шаралар қажет екендігін атап өтті.

Данияр Ақышев экономиканың нақты секторын қалыпқа келтіру бойынша бірқатар ұсыныспен сөз сөйледі

Қазақстан Ұлттық Банкінің Төрағасы Данияр Ақышев Мемлекет басшысының қатысуымен өткен Үкіметтің кеңейтілген отырысы барысында экономиканың нақты секторын қалыпқа келтіру бойынша бірқатар ұсыныспен сөз сөйледі.

Қазақстан Ұлттық Банкінің басшысы экономиканың нақты секторын қалыпқа келтірмей, өткен жылдардағы ахуал қайталануы мүмкін деп атап өтті. «Мысалы, соңғы 10 жылда банктердің экономикаға кредиттері 5,5 трлн теңгеге немесе 70%-ға өсті. Осы уақытта 7 банкті тарату және 2 банкті қалыпқа келтіру есебінен 4,6 трлн теңге нашар кредиттер есептен шығарылды. Яғни қарыз алушылар барлық кредитті дерлік қайтарған жоқ! Банктердің қарыздарды қайта құрылымдау және өзгерту әрекетіне қарамастан, кредиттер проблемалық және қызмет көрсетілмейтін кредиттерге біртіндеп айналды», - деп атап өтті Д. Ақышев.

Ол кредиттерді қайтармаған кәсіпорындардың көпшілігі бүгінде жұмыс істеп жатқандығын айтты. «Әсіресе бұл шағын бизнеске қатысты. Олар дәрменсіз және меншікті капиталы жоқ, жаңа арзан кредиттер талап етеді. Олар қайта кредиттелген. Ал борыштар өсуде», - деп түсініктеме берді Қазақстан Ұлттық Банкінің басшысы.

«Қаржы секторы үлгісімен нақты секторды тазарту саясатын жүргізу қажет. Дәрменсіз компанияларды нарықтан шығару бойынша жүйелі жұмыс, қайта құрылымдау немесе банкроттық, олардың активтерін жақсы компанияларға беру қажет», - деп атап өтті ол.

Қазақстан Ұлттық Банкінің басшысы тиімсіз компанияларға мемлекеттік қолдауды тоқтатуды да ұсынды. «Тікелей мемлекеттік қаржыландыру рентабельділігі төмен немесе әлеуметтік бағыттағы ірі инфрақұрылымдық жобалар үшін ғана сақталуға тиіс», - деді Қазақстан Ұлттық Банкінің басшысы.

«Сонымен қатар банкроттық рәсімдерінің тиімділігін арттыруды қажет деп санаймыз. Шағын кәсіпорындардың 3,6%-ы ғана банкрот болады, оның ішінде жартысы сауда кәсіпорындарына тиесілі. Мұны түсіндіруге болады - сауда нарығына кіру салыстырмалы алғанда жеңіл әрі түсінікті, бұл бәсекелестікті арттырады. Ауыл шаруашылығында және өңдеуші өнеркәсіпте банкроттыққа ұшыраған компаниялардың үлесі өте аз», - деп атап өтті ол.

Данияр Ақышев – Қазақстанның автоөндірушілерінің өніміне сұранысты ынталандыру импорт алмастыруға ықпал етеді

Ұлттық Банк 2019 жылы Қазақстан азаматтарының отандық өндірістегі автомобильдерін сатып алуға арналған кредиттеу бағдарламасын жедел әзірлеуге және оны қаржыландыруға дайын. Бұл туралы Қазақстан Ұлттық Банкінің Төрағасы Данияр Ақышев Мемлекет басшысының қатысуымен өткен Үкіметтің кеңейтілген отырысы барысында айтып берді.

Қазақстан Ұлттық Банкінің басшысы бағдарлама «7-20-25» бағдарламасының үлгісімен және оның инфрақұрылымы негізінде кредиттерді секьюритилендіру тетігімен

банктер арқылы кредиттеудің нарықтық қағидаттарымен құрылатынын атап өтті.

«Неліктен автомобиль жасау? Біз автомобиль жасау құрылыс саласы сияқты – жоғары технологиялары бар, капиталды қажет ететін, экономикаға елеулі мультипликативті әсері бар сала деп есептейміз», - деп түсіндірді Д. Ақышев.

Қазақстан Ұлттық Банкінің Төрағасы бұл бастама импорт алмастыруға оң әсер етеді және кредиттеу арқылы қолдау көрсетілетін тауарлар импорты өсуінің теріс үрдісін еңсеруге мүмкіндік береді деп атап өтті. «Қазақстан автоөндірушілерінің өніміне деген сұранысты ынталандыру жергілікті тауарға сұранысты арттыруға және импорт алмастыруға ықпал етуге жағдай жасайды. Бұл ұсыныстарды толығырақ Үкіметпен және банктермен қысқа мерзімде пысықтауға дайынбыз», - деді сөзін қорытындылай келе Д. Ақышев.

Толығырақ ақпаратты БАҚ өкілдері мына телефон бойынша алуына болады:

+7 (727) 704 585

e-mail: press@nationalbank.kz

www.nationalbank.kz